
Til dilning kaliti

Har bir millatning ulkan boyligi, bebaho mulki, qalbi va ovozi til hisoblanadi. Insonning tili orqali jarang sochgan har so'zi avvalo dil, ya'ni qalbda paydo bo'ladi. Ba'zan odamlardan eshitib qolaman "Dilimdagini tilimga chiqarolmayman, tilimdagini dilim tan olmaydi" deya nolishadi.

Bejiz xalqimizda "Til dilning kaliti" degan naql yurmaydi. Kimningdir qalbiga yo'l topish uchun, avvalo, tilini bilishi (qaysi millat bo'lishidan qat'iy nazar) shu tilning nozik ma'no qirralaridan foydalangan holda unga murojaat eta olishi kerak. Shunda siz o'sha insonning diliiga til orqali yo'l topgan bo'lasiz. Dilning xohishini til tan olmasligi esa, qalbdagi tug'yonni ta'rif etishga tilning ojizlik qilayotganligidan dalolat beradi. Albatta, bu majoziy ma'nodagi ibora hisoblanadi.

Qancha farqlashga urinmaylik, til va dil bir-biri bilan chambarchas bog'liq, tilsiz dil - qulfi yo'q kalit misol yakdillik kasb eta olmaydi. Barcha xalqlarning ma'naviy boyligi, aql-idroki, tafakkuri, madaniyati uning tilida, urf-odatlarida, dili va ruhiyatida o'z ifodasini topadi.

F.Mamajonov

Farg'ona shahar hokimining maslahatchisi

2020-08-10 17:39:16